

Swcigih Yinzda Daengz Hocouh Diuyenz

Gaenh geij ngoenz neix, Swcigih Yinzda Cangzveijvei Minzczu Veijyenzei fucujyin veijyenze, cangzveijvei minzczu gunghcoz veijyenzei fucujyin Cau Gveilanz daiq cujdiuyenz daengz Hocouh Si diuyenz gij cingzgvang mizgven hong couqmaenh gij eiqsik caezcaemh Cunghvaz Minzczu.

Cujdiuyenz gonqlaeng daengz Hocouh Si Bazbu Gih Cwngzdungh Cogaep Saedniemh Cunghyoz, Lenzdangz Cin Mbanjdancungh, Nanzyangh Cin Mbanjvangliz giekdeih fouxmeuzfeiz daengj diuyenz. Cujdiuyenz ciengzsaeg liujgaij Bazbu Gih gij cingzgvang guh hong couqmaenh gij eiqsik caezcaemh Cunghvaz Minzczu haeuj hagdangz, lijyouz coicaenh gak minzczu samgyau, cienziep caeuq baujhoh minzczu conzdungj vwnzva maenhndei, mboqraemxraeuj gangh-yangj canjnieb coicaenh ginzcong swnghcanj demsou daengj.

Cujdiuyenz ceijok, couqmaenh gij eiqsik caezcaemh Cunghvaz Minzczu haeuj hagdangz, gak mizgven bouhmonz, gak gaep gak loih hagdangz aeu maenhsaed lozsiz hong cwzyin. It dwg cauxlaeb lizdijva goqcingz diji, gyagiengz hwnqguh gyaucaiz diji caeuq yungh swhyenz ndei, cienzmienh doihengz vah saw guekgya doengyungh son'gyauq sonhag, gajndeih sonhag fuengsik fuengfap, haigvangq ndawhoeng vangjloz gung vunz; ngeih dwg guh hozdung cawjdaez gyauyuz, hwnqguh ndei yungh ndei gak loih cindi gung vunz, coicaenh gak cuz hagseng samgyau; sam dwg gyagiengz caeuq gajndeih gij vwnzva vanzging haeuj hagdangz, fatok cozyung cwngcwz dazyinx, laebhwnj boiqhab gung vunz gwzgziz, hawj gyaezguek cujyi gyauyuz, gwzming conzdungj gyauyuz, gozfangz gyauyuz, couqmaenh gij eiqsik caezcaemh Cunghvaz Minzczu gyauyuz daengj caeuq hagdangz dwzyuz, dijiyuz, meijyuz, lauzdung gyauyuz giethab ndei, hawj duj va minzczu doxgiet youq ndaw hagdangz hai ndaej engq gyaundeih.

Cujdiuyenz giengzdih, guh ndei lijyouz coicaenh gak minzczu samgyau. It aeu nab couqmaenh gij eiqsik caezcaemh Cunghvaz Minzczu iugouz caeuq lijyouz coicaenh "samgyau" giva haeuj gij gviveh moq minzczu, vwnzva, lijyouz caeuq vwnzvuz daengj bouhmonz bae, yungz haeuj hozdung doigawj dieg baeyouz guenjieix caeuq bozvuzgvanj lingjyiz bae; ngeih aeu guh ciendaiz gyauyuz beizyin couqmaenh gij eiqsik caezcaemh Cunghvaz Minzczu, dazyinx daemxcengj dieg baeyouz, dieg vwnzboz fungfouq caezcienz yinzvwnz loih baijok caeuq gij neiyungz gangigej dieg baeyouz, engq laegvat gij vwnzva neihanz gak minzczu, cingjhab swhyenz vwnzva lijyouz, cauhmoq doxgaiq vwnzva lijyouz caeuq fuzvu hingzsik, gangj ndei gij goj Cunghvaz Minzczu vwnzva; sam aeu dazyinx daemxcengj dieg baeyouz, dieg vwnzboz yenzgiu haifat goeng'iksingq cawjdaez loh sienq couqmaenh gij eiqsik laebndei Cunghvaz Minzczu, gveihfan caeuq dazyinx sevei ligliengh ciuq hawciengz bae guh, doidoengh gij cingzgvang "hag" "youz" laegdaeuq yungzhab, yungh lijyouzyez hwnghat ndei doidoengh gak minzczu samgyau.

(赵金宾/Cau Ginhbinh 魏晓丽/Vei Yaujli)

Bwzswz Guh Hozdung Senhconz "3 · 15" Siuhfei Hengienz

3 nyied 14 hauh, Bwzswz Si Denzyangz Gih youq Baeuqroxdoh Vwnzva Gvangjancz guh cawjdaez hozdung senhconz "3 · 15" ngoenz gozci bouxsiuhfei gienzik caeuq "caemhcuk habhoz siuhfei" bi siuhfei hengienz, doenggvaq fat senhconz swliu, baijok gij senhconz banjbau dwk gyaj hengienz, baijok gij doxgaiq gyaj yaez daengj lai cungj hingzsik, lailai senhconz dohdaengz gij fapldw fapgvi cihsiz baujhoh gienzik bouxsiuhfei, doidoengh daengx sevei cauxbaenz aen fwnhvez ndei caezcaemh camgya siuhfei hengienz.

(黄国顺/Vangz Gozsun)



▲Boux ganbu hawj ginzcong gangigej baenzlawz nyinh doxgaiq ndei yaez.

Mungzsanh: Densangh Coengh-rengz Doisiu Doxgaiq Reihnaz

3 nyied 13 hauh, youq Mungzsanh Yen Sihhoz Cin Mbanjgvangjyuz ndaw giekdeih ndaem maklanzmeiz, bouxcejbo doenggvaq cigboq bang giekdeih gai maklanzmeiz, boux guhhong youq ndaw suen mbit mak nyaengqdikdik. Gaenh geij bi daeuj, Mungzsanh Yen Densanghban cizgiz lienzhab mizgven danhvei cujiz beizyin boux guh densangh, gonqlaeng beizyin le densangh vunzcaiz 200 lai vunz, caemhcai qyendauez cujiz gyoengq vunzcaiz densangh ndawbiengz laebbaenz densangh donzdui, yungh lai cungj hingzsik cizgiz doisiu gij doxgaiq reihnaz ranzmbanj, coenghrendz lajmbanj saenqhwngh.

(黄胜林/Vangz Swnglinz)



Bouxcejbo daenj buhvaq minzczu baijdaiz cigboq gai maklanzmeiz.



Gyoengqvunz doxgap ndaem gofaex.

Libuj Guh Hozdung Yivu Ndaem Faex

3 nyied 12 hauh dwg ciet ndaem faex, ngoenzde, Libuj Si cujiz dangjyenz ganbu, bouxgagnyienh daibyauij, ginzcong daengj daengz Majlingi Cin Lungzdudanj dieg ndaem faex guh hozdung yivu ndaem faex, vunz lai sam haj boux guhdoi faengoeng doxgap, vat gumz, cuengq faex, buenz naemh, rwed raemx, godauz, go' gveiqva daengj haujlai faex go dem go daengj hwnjdaeuq lo. Gyoengqvunz yienhciegz ndaem dinfaex gaenh 30 moux, daengx si hainduj cingeng ndaem faex ndaem doenghgo naemqdikdik.

(周俊远/Couh Cinyenj)